

Padah tidak pamer harga

**Empat peniaga
di Pasar Awam
Rawang
dikompaun**

NUR FARHANA
ABDUL MANAN

HULU SELANGOR

Akibat enggan memamerkan tanda harga, empat peniaga dikenakan tindakan kompaun dalam operasi

mengejut dilaksanakan Kementerian Perdagangan Dalam Negeri dan Hal Etnik Pengguna (KPDNHEP) di Pasar Awam Rawang di sini semalam.

Ketua Pegawai Penguat Kuasa KPDNHEP Daerah Hulu Selangor, Ahmad Zamri Che Long berkata, dalam operasi tersebut pihaknya menjalankan pemeriksaan tanda harga dan alat timbang digunakan peniaga di pasar terbabit.

Menurutnya, pihaknya turut menjalankan pemeriksaan di premis yang menjual penutup mulut

dan hidung.

"Hasil pemeriksaan, beberapa peniaga didapati tidak meletakkan tanda harga barangan yang dipamerkan untuk jualan.

"Empat peniaga dikenakan kompaun dengan jumlah keseluruhan RM400 dan kesemua mereka menjelaskannya," katanya.

Beliau berkata, operasi tersebut disertai enam pegawai KPDNHEP Kuala Kubu Bharu dan enam anggota penguatkuasa Majlis Perbandaran Selayang (MPS).



Penguat kuasa KPDNHEP melakukan serbuan mengejut di Pasar Awam Rawang, Selangor semalam.